



Inatsisartunut ilaasortaq, Justus Hansen
Demokraatit
/MAANI

Tunumi timmisartuussineq pillugu § 37 naapertorlugu apeqquteqaammut nr. 222-imut akissuteqaat

Brevdato: 06-11-2015
Sags nr. 2015 - 8373
Dok. nr. 5548687

Asasara Justus Hansen

Inatsisartut suleriaasianni § 37 naapertorlugu Tunumi timmisartuussineq pillugu apeqquteqaatinnut nassiussannut qujaqqippunga. Kingusissumik akissuteqarnera ajuusaarutigaa, tassunga pissutaavoq Ineqarnermut, Sanaartornermut Attaveqarnermullu Naalakkersuisoqarfik paasisutissanik annertuunik avataaneersunik piniartariaqarsimammat.

Postboks 909
3900 Nuuk
Tlf.: (+299) 34 50 00
Fax: (+299) 32 52 86
E-mail: isan@nanoq.gl
www.naalakkersuisut.gl

Matuma kinguliani apeqqutit issuarneqarput, kinguninnguani akissuteqaatitaqarlutik.

1. Iluamik paasisimanerpara oqartoqarmat Nerlerit Inaanik timmisartukkut angallaneq pillugu kiffartuussinermut isumaqatigiissummi ilaatigut siunertaasoq Nerlerit Inaanni/Ittoqqortoormiuni innuttaasunik minnerpaamik sapaatip akunneranut ataasiarluni timmisartuussisarnissap qularnaarnissaa aamma ilumoorpa kiffartuussisoq 2013-mili aalajangersimammat juullip nalaani sapaatip akunnerini pingasuni timmisartuussisoqartassanngitsoq kiisalu påskip tungaanut sapaatip akunnerini marlunni?

Innuttaasut pisariaqartitaannik sapinngisamik annertunerpaamik kiffartuussinissamut isumaqatigiissutit naammassinissinnaanissaat Naalakkersuisut eqqumaffigivaat. Naalakkersuisut suliaq misissorpaat, aammalu juullip, ukiutoqqap aamma påskip nalaanni, tassa nalliuttuni angalarusussuseqarnerup amerlanertigut annertunerpaaffigisartagaani, timmisartuussisoqassanngitsoq aalajangiisoqarnikuunngilaq. Isumaqatigiissutini kajumissuseqalersitsinissamut ilusiliinermik ilanngussisoqarpoq, tassani Air Greenland, angalarusunnerup annertunerpaaffiani timmisartuussinermut isumaqatigiissummi isertitassanik niuerneq tunngavigalugu annaasaqarsinnaasoq, kajumissuseqalersinneqarluni. Naalakkersuisut naatsorsuutigaat angallassisartup kiffartuussinissaq Namminersorlutik Oqartussanut kiffartuunneqarnissamut isumaqatigiissummi aalajangersagaasoq sapinngisamik naammassiniartassagaa.

Angallassisartup Naalackersuisunut oqaatigaa Nerlerit Inaannut/Ittoqqortormiunut tunngatillugu nalliuttut nalaanni pisariaqartitsinermut naleqqussarniarsarisoqartartoq, taamaalilluni meeqqat atuarianni atuartut siumut utimullu angalasinnaanerannut naleqqussagaalluni. Tassani ullut timmisartorfiusussat allannguuteqartinneqarsinnaapput, kisianni timmisartuussinerit ikilisussaassanatik.

21. decembarip nalaani ullut sivikippit taarlutillu, aammalu qulimiguulik taartumi timmisinnaangimmat, Ittoqqortoormiunut aamma tassanngaaniit inunnik ilaasoqarfiusussamik angalanermut pilersaarusiornissaq ajornarpoq. Taamaattumik decembarimi angalanissamut pilersaarutip allanngortinneqarnissaa pisariaqartinneqarpoq, kisianni taanna allanngortitsineruvoq aammalu annikillilerinerunani.

Oqaatigisinnaavara piffissap december 2014 – januar 2015 nalaani sapaatit akunneri arfinillit angullugit silamik pingaartumillu juullip ukiutoqqallu nalaanni mittarfiup aputeqarneranik pissuteqartumik Nerlerit Inaannut annguniarneq ajornarsimammat, tassanilu atortut pigineqartut suliassamut naleqqussimanatik.

2. Naalackersuisut qanoq suliniuteqarniarpat tamanna kiffartuussinissamut isumaqatigiisummik unioqqutitsinertut paasineqarsinnaasoq pinngitsoortinniarlugu aamma tamanna kiffartuussisumut kinguneqartinneqarsimava?

Angallassisartuq angallavinni kiffartuussinissamut isumaqatigiisuteqarfiusuni ingerlaavartumik nalunaarusiortarpoq aammalu Naalackersuisut naliliippit isumaqatigiisut unioqqutinneqanngitsoq. Ineqarnermut, Sanaartornermut Attaveqarnermullu Naalackersuisoqarfik ingerlaavartumik qanimullu aammalu pingaartumik sila imaluunniit allat aallanngitsoortarnermik malitseqartillugu, angallassisartumik oqaloqateqartarpoq

3. Naalackersuisunut nassuiaqquneqarpoq Nerlerit Inaannut timmisartuussinissat pilersaarutaareersut qassit untsiinnarneqarsimanersut/ kinguartinneqarsimanersut kiisalu aamma agguaqatigiisillugu aallarfiissat tikiffissallu qanoq kinguaattoorfiusarnersut? Tamatumunnga atatillugu aamma Naalackersuisunut nassuiaqquneqarpoq Nerlerit Inaannut timmisartuussinerit tamakku kinguaattoornerillu unnuisariaqarnernik qassinik kinguneqarsimanersut kiisalu kiap unnuisariaqarnerit tamakku akilertarsimanerai?

Isumaqatigiisut naapertorlugu ilaasup kinguaattoortup tamanna pisariaqartissimappagu, angallassisartuq unnuinernut aningaasartuuteqartarpoq. Tassunga atatillugu atuuppoq, assersuutigalugu

nammineq illoqarfigisaminiikkaanni aammalu ilaqttani assigisaanniluunniit najugaqarsinnaalluni aammalu unnuiffissamik ikiorneqarnissamik pisariaqartitsinani, taava aamma unnuisinneqarnissaq piumasarineqarsinnaangilaq. Tamanna taarsiissuteqartarnernut inatsisit nalinginnaasut aamma timmisartumik angallassinermut inatsit malillugit atuuppoq.

Ukiumut timmisartuussinerit 52-it pilersaarutaapput, tassa imaappoq sapaatip akunneranut ataasiarluni. 2014-imi 48-it naammassineqarsimapput, tassani timmisartuussinerit ingerlanneqanngitsoornerannut pissutaanerpaajulluni Nerlerit Inaanni mittarfiup decembarimi piffissami aalajangersimasumi aputeqarpallaarnerata malitsigisaanik matoqqalluinnartariaqarsimaneera.

Angallassisartoq aamma paasissutissiivoq timmisartuussinernit naammassineqartunit timmisartuussinerit 25-it ullut pilersaarutigineqartut malillugit ingerlanneqarsimangitsut, taamaattoarli kingusinnerusukkut ingerlanneqarsimasut, pingaartumik silamik pissuteqartumik (23) aamma marluk teknikkimik pissuteqartumik imaluunniit suliaqarniarnermut tunngasunik pissuteqartumik kinguaattoornerit malitsigisaanik, kingusinnerusukkut ingerlanneqarsimallutik.

Paarlattuanik sapinngisamik sukkanerpaamik timmisartuussinerit taarsiisussat aallartinneqartarput. Decembarimi immikkorluinnaq ittumik pisoqartarnera eqqaassanngikkaanni, kinguaattoornerit agguaqatigiissillugu ullunik pingasunik sivisussuseqartarsimapput.

- 4. Angallavik kiffartuussinerimut isumaqatigiissut naapertorlugu aqqutigineqartartoq taanna atorlugu ilaasut qassit Nerlerit Inaanniik Kulusummut/kitaanut Air Greenlandimit assartorneqarsimappat aamma angalasut qassit ulloq 1. januar 2013 atorneqalersoq iluanaarniutigalugu timmisartuussisarneq atorlugu Islandimukarsimappat? Tamatumunnga tunngatillugu aamma nalunaarutigeqquara Islandimit Islandimullu timmisartuussinerit qassit kinguartinneqartarsimanersut/ unitsiinnarneqartarsimanersut aamma angallavimmi tassani agguaqatigiisillugu qanoq kinguaattoortoqartarsimanersoq. Kiisalu naggataaatigut piumasarissavara nalunaarutigineqassasoq Nerlerit Inaata Ittoqqortoormiullu akornanni helikopterimik timmisartuussinerit qassit unitsiinnarneqartarsimanersut naak timmisartoq Islandimeersoq tikittussatut nalunaarutigineqartoq tikereeraluartoq kiisalu aamma paaserusuppara taamatut pisoqartillugu angalasut unnuisariaqarneri kiap akilertariaqartarsimanerai.**

Niuernermik tunngaveqartumik timmisartuussinerit Norlandair-imit, 25 %-imik Air Greenland-imit pigineqartumit, ingerlanneqarput. Qulimiguulimmik timmisartuussinerit, niuernermik tunngaveqartunut

feederinik timmisartuussinerit Norlandair-imit piumasarineqartarput ataqatigiissaarneqartarlutillu.

Aasaanerani Nerlerit Inaanniit Island-imut timmisartuussisoqartassasoq, 2013-imi isumaqatigiissutinut ilaavoq. Tamanna katillugit 156-inik ilaasoqarfiuvoq, taamaattumik Ineqarnermut, Sanaartornermut Attaveqarnermullu Naalackersuisoqarfik aamma Air Greenland angallavik atorunnaarsinniarlugu, tamatumunngalu taarsiullugu Kulusummut timmisartuussisoqartalissasoq isumaqatigiillutik, taamaalilluni Nerlerit Inaat pitsaanerusemik sullissivigineqalersinnaassammat.

Nerlerit Inaata (CNP), Kulusuup (KUS), Nuup (GOH) aamma Kangerlussuup (SFJ) akornanni 2014-imi timmisartuussinerit takussutissiaq aajuna:

- CNP/GOH ilaasut 20-it
- CNP/KUS ilaasut 528-it
- KUS/SFJ ilaasut 86-it
- CNP/SFJ ilaasut 168-it

2013-imi Islandimut niuernermit tunngaveqartumik angallavimmi ilaasut qassit angalasiannersut ajoraluartumik Norlandair-ip paasisutissiissutigisinnaasimangilaa, kisianni kisitsisit 2014-imeersut takutippaat Akureyri-miit Nerlerit Inaannut timmisartuussinerit 350-iusimasut aammalu Nerlerit Inaanniit Akureyri-mut timmisartuussinerit 337-iusimallutik. Aammattaaq paasisutissiissutigineqarpoq timmisartut nalunaarutigineqartut sisamat Islandimeersut kinguartinneqarsimasut, tassani agguaqatigiissillugu kinguaattoorneq ullup aappaa avillugu sivisussuseqarsimalluni.

Norlandair paasisutissiivoq Nerlerit Inaata aamma Ittoqqortoormiit akornanni angallavik, Air Greenlandip qulimiguuliinik timmisartuussivigineqartoq, aammalu piumasarisimasaqarfigisimasartik pingasunik taamaatitsisimasoq. Air Greenlandip timmisartuussinerani ilaasunut tunngatillugu uninnganermut aningaasartuutit matussusernissaannut Air Greenland pisussaaffeqarpoq.

5. Nerlerit Inaanni timmisartuussineq pillugu kiffartuussinermit isumaqatigiissummi Naalackersuisut qanoq iliuseqarniarpat qularnaarumallugu, timmisartuussisarnerit pilersaarutit naapertorlugit ingerlanneqartarnissaat kiisalu qularnaarumallugu Nerlerit Inaat minnerpaamik sapaatip akunneranut ataasiarlugu timmisartumik angallassivigineqartarnissaa?

Nunatsinni angalariiaatsit sunniuteqarluarnerulersinnissaat Naalackersuisut anguniarniarpaat, taamatullu mittarfiit ilusiligaaneranni pisussami, ataatsimut isigalugu tutsuiginartumik, innuttaasunut tamanut

sunniuteqarluartumik angalasarnermik aamma aaqqiissutissanik eqaatsunik qulakkeerisussamik neqeroorteqartoqartarnissaa siunniunneqarluni.

Naalakkersuisut siunnerfigaat angallassisartunut kiffartuunneqarnissamut isumaqatigiissutit pilersuinerup qularnaassusaanik tunngaveqassasut aammalu angallassisartunut suliasamik naammassinninnissamut kajumissuseqalersitsissasut. Aappaatigut oqaatigisinnaavara angallassisartut, pingaartumik silamik ajornartorsiuteqarnermi assigisaannillu angallassisumut ilaasunullu aarlerinartorsiortitsisinnaasunik pisoqarnerani tamatigut angalasinnaasangitsut Naalakkersuisut paasisinnaalluarmassuk.

Kisiannili oqaatigisinnaavara Naalakkersuisut ungasissumut aaqqiissuteqarniarneranni Ittoqqortoormiini innuttaasut atugaat pitsaangorsaavigineqassammata, tamannalu Naalakkersuisut mittarfinnut tunngatillugu ataatsimoortillugit suliasami, ukioq manna ukiaanerani ataatsimiinnermi suliarineqartussami, ilaatillugu suliarineqassaaq. Aaqqiissutissaasinnaasut ilaat tassaavoq Nerlerit Inaata atorneqarnerata annikillisinneqarnera aammalu Mestersvig-ip atorneqarnerata Tunumi nunap immikkoortuani tamaani isertarfittut annertusineqarnera. Isumassarsiap danskit illersornissamik suliaqartui suleqatigalugit saqqummiunneqarnissaa Naalakkersuisut pilersaarutigaat. Taamatut aaqqiissuteqarnerup piffissamik eqquisarneq annertunerulersissagaa aammalu naggataatigut ilaatigut atuisunut iluaqutaasumik ingerlatsinermut aningaasartuutikinnerulernermik malitseqassasoq ilimanarpoq.

6. Tamatumunnga atatillugu Naalakkersuisut eqqarsaatigisinnaanerlugu akiliisitsisarnissaq timmisartuussinermik kiffartuussisalerumaartussap kiffartuussinermut isumaqatigiissut unioqqutissagaluarpagu?

Naalakkersuisut kissaatigaat angallassisartunut qanimut oqaloqatiginnillunilu suleqateqarnissaq, kiffartuussinissaq, Namminersorlutik Oqartussanut kiffartuunneqarnissamut isumaqatigiissummi allassimasoq, naammassiniarlugu sapinngisaminnik pitsaanerpaamik iliortutut naatsorsuutigineqartunut, qanimut oqaloqateqarnissaq, suleqateqarnissaq tatiginninnissarlu. Kiffartuunneqarnissamut isumaqatigiissut, silamik pissuteqartumik kinguaattoornernik inerneqarsinnaassagaluarpalluunniit, timmisartuussinernik naammassinninnissamut angallassisartunut kajumissuseqalersitsissaaq. Assersuutitut taaneqarsinnaavoq maannakkut angallassisartut, kiffartuunneqarnissamut isumaqatigiissummik unioqqutitsinissap ilimanaateqarnerata annikinnerulersinnissaa aammalu suleqatiginnerup siuarsarneqarnissaa siunertarlugit, angallavinni kiffartuunneqarnissamut isumaqatigiissummi Naalakkersuisunut ingerlaavartumik nalunaaruteqartarnerat.

Taamaattorli tamatuma allanngortinngilaa, angallassisartut kiffartuunneqarnissamut isumaqatigiissummik naammassinninnissaat pingaaruteqartorujussusoq Naalakkersuisut pingaartitsilluinnarannut.

Kiffartuunneqarnissamut isumaqatigiissutini atuutilersussani, piffissami aggersumi 2017-imiit atuutilertussatut inissillugit isumaqatigininniutigineqartussani, pilersuinerup qularnaassuseqarnissaanut tutsuiginassuseqarnissaanullu piumasaqaatit qaffasissut ilanngunneqassapput. Aamma taakkunani isumaqatigiissummi pisussaaffiit naammassineqarnissaannut aningaasaqarnikkut kajumissuseqalersitsiniarnernik ilanngussisoqassanersoq oqaatigineqarsinnaanngilaq.

Neriuppunga matuma siulianiittuni apeqqutitit tamakkiisumik akissuteqarfigisimassallugit.

Inussiarnersumik inuulluaqqusillunga

Knud Kristiansen